



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA CENTAR SARAJEVO
OPĆINSKI NAČELNIK

P R A V I L N I K
O DODJELI JEDNOKRATNE NOVČANE POMOĆI ZA FINANSIRANJE
TROŠKOVA NABAVKE GPS NARUKVIČA ZA DJECU I OSOBE SA
INVALIDITETOM I POTEŠKOĆAMA U RAZVOJU

Septembar 2024. godine

Na osnovu člana 15. stav1. tačka 2. Zakona o principima lokalne samouprave u Federaciji Bosne i Hercegovine ("Službene novine Federacije BiH " broj 49/06 i 51/09), člana 69. Statuta Općine Centar Sarajevo –Prečišćeni tekst ("Službene novine Kantona Sarajevo"), broj 23/04 i člana 171.Zakona o socijalnoj zaštiti, zaštitu civilnih žrtava rata i zaštite porodice sa djecom ("Službene novine Kantona Sarajevo") broj: 38/14- Prečišćeni tekst, 38/16, 44/17, 28/18, 52/21 i 40/22), Općinski Načelnik donosi

P R A V I L N I K
O DODJELI JEDNOKRATNE NOVČANE POMOĆI ZA FINANSIRANJE TROŠKOVA NABAVKE
GPS NARUKVICA ZA DJECU I OSOBE SA INVALIDITETOM I POTEŠKOĆAMA U RAZVOJU

Član 1.
(Predmet Pravilnika)

Ovim Pravilnikom o dodjeli jednokratne novčane pomoći za finansiranje troškova nabavke GPS narukvica za djecu i osobe sa invaliditetom i poteškoćama u razvoju (u daljem tekstu: Pravilnik) uređuju se kriteriji, visina i način dodjele jednokratne novčane pomoći za nabavku GPS narukvica za djecu i osobe sa invaliditetom i poteškoćama u razvoju sa područja općine Centar Sarajevo (u daljem tekstu: novčana pomoć).

Član 2.
(Cilj Pravilnika)

Cilj dodjele novčane pomoći je pružanje veće sigurnosti i nezavisnosti djeci i osobama sa invaliditetom i poteškoćama u razvoju, uz mogućnost praćenja njihove lokacije roditeljima/starateljima koji se brinu o njima.

Član 3.
(Uvjeti za ostvarivanje prava)

Uvjeti za ostvarivanje prava :

- da su roditelji / staratelji i dijete odnosno osoba sa invaliditetom i poteškoćama u razvoju državljani BiH;
- da podnosilac zahtjeva i dijete odnosno osoba sa invaliditetom i poteškoćama u razvoju žive u zajedničkom domaćinstvu na području općine Centar Sarajevo;
- da dijete odnosno osoba sa invaliditetom i poteškoćama u razvoju ima preporuku ljekara specijaliste na osnovu koje se može utvrditi potreba za kupovinom GPS narukvice;

Član 4.
(Potrebna dokumentacija)

Dokumentacija potrebna za ostvarivanje prava :

- prijave mjesta prebivališta za roditelja/staratelja kao i dijete odnosno osobu sa invaliditetom i poteškoćama u razvoju ;
- kućna lista;
- preporuka ljekara specijaliste na osnovu koje se može utvrditi potreba za kupovinom GPS narukvice;
- predračun za nabavku GPS narukvice;
- rodni list za dijete ukoliko se nabavka odnosi za dijete;
- dokaz o starateljstvu ukoliko je osoba pod starateljstvom;

Član 5.
(Javni poziv)

- (1) Sredstva sa budžetske pozicije predviđena za ove namjene dodjeljuju se na osnovu javnog poziva koji se objavljuje na web stranici Općine i ostaje otvoren do kraja tekuće budžetske godine ili do utroška planiranih budžetskih sredstava.
- (2) Novčana pomoć utvrđena ovim Pravilnikom dodjeljivat će se na osnovu podnesenih zahtjeva u skladu sa objavljenim javnim pozivom.
- (3) Zahtjevi za ostvarivanje prava na novčanu pomoć podnose se službi nadležnoj za poslove socijalne zaštite putem protokola Općine.
- (4) Zahtjevi će se rješavati po redosljedu podnošenja.
- (5) Služba je dužna u roku od 30 dana do maksimalno 60 dana od dana podnošenja riješiti zahtjev i o tome obavijestiti podnosioca.
- (6) Dokumentacija koju je potrebno priložiti uz zahtjev po objavljenom Javnom pozivu biti će navedena na posebnom obrascu koji će biti dostupan na web stranici te info-pultu Općine Centar Sarajevo.

Član 6.
(Sredstva, visina, način isplate i pravdanje sredstava)

- (1) Novčana pomoć isplaćivati će se u maksimalnom iznosu do 350,00 KM, po dostavljenom predračunu na transakcijski račun ovlaštenog distributera GPS narukvica putem nadležne službe za finansije.
- (2) O podnesenom zahtjevu za dodjelu novčane pomoći nakon utvrđenih činjenica Općinski načelnik donosi Zaključak o dodjeli novčane pomoći.
- (3) Korisnici novčane pomoći dužni su u roku od 60 dana od dana uplate sredstava odnosno do kraja tekuće budžetske godine u kojoj su ostvarili pravo dostaviti original ili ovjerene kopije fiskalnih računa na osnovu kojih će pravdati dodjelu budžetskih sredstava.
- (4) Pravo na dodjelu novčane pomoći za nabavke GPS narukvice može se ostvariti jedanput u tri godine.
- (5) Ukoliko korisnik sredstava ne dostavi finansijski izvještaj o namjenskom utrošku sredstava neće moći ostvarivati prava na dodjelu novčanih pomoći iz nadležnosti službe socijalne zaštite.
- (6) Ukoliko se utvrdi da nisu ispunjeni uvjeti za ostvarivanje prava na novčanu pomoć u skladu sa odredbama ovog Pravilnika, podnosilac zahtjeva će o tome biti obaviješten aktom nadležne službe.

Član 7.
(Stupanje na snagu pravilnika)

Ovaj Pravilnik stupa na snagu narednog dana od dana objavljivanja na Oglasnoj ploči Općine Centar Sarajevo, a isti će biti objavljen i u Službenim novinama Kantona Sarajevo i web stranici Općine Centar Sarajevo.

OPĆINSKI NAČELNIK

Broj: 09/B-11-3800/24

Srđan Mandić

Sarajevo: 17.09.2024.godine.

O B R A Z L O Ž E N J E

PRAVNI OSNOV

Pravni osnov za donošenje Pravilnika o dodjeli novčane pomoći za nabavku GPS narukvica za djecu i osobe sa invaliditetom i poteškoćama u razvoju sadržan je :

- u članu 15. Zakona o principima lokalne samouprave u Federaciji Bosne i Hercegovine ("Službene novine Federacije BiH " broj 49/06 i 51/09) kojim je uređeno da općinski načelnik donosi akte iz svoje nadležnosti :
- u članu 69. Statuta Općine Centar Sarajevo –Prečišćeni tekst / "Službene novine Kantona Sarajevo", broj 23/04) kojim je propisano da općinski načelnik donosi , između ostalog, pravilnike;
- u odredbi člana 171.Zakona o socijalnoj zaštiti, zaštiti civilnih žrtava rata i zaštite porodice sa djecom("Službene novine Kantona Sarajevo" broj: 38/14- Prečišćeni tekst, 38/16, 44/17, 28/18, 52/21 i 40/22), kojim je propisano da se iz općinskog budžeta finansiraju druga prava iz socijalne zaštite, koja svojim propisom utvrđuju općine,

RAZLOZI DONOŠENJA

Pravilnik o dodjeli novčane pomoći za nabavku GPS narukvica za djecu i osobe sa invaliditetom i poteškoćama u razvoju donesen je prvenstveno s ciljem podrške osamostaljivanju, sigurnosti i neovisnosti djece i osoba sa invaliditetom i poteškoćama u razvoju. Zbog povećanih troškova, brige i usluga potrebnih djeci i osobama sa invaliditetom i poteškoćama u razvoju, a na osnovu dosadašnjih iskustava utvrđeno je da sve veći broj porodica nema sredstava za svakodnevno preživljavanje, a posebno su se našli u stanju nedostatka sredstava za određena pomagala, iz kojeg razloga im pomagala najčešće nisu dostupna. Donošenjem ovog Pravilnika želimo osigurati pristup svima kojima je ova vrsta pomoći potrebna, bez obzira na finansijske mogućnosti, čime doprinosimo njihovoj kvaliteti života.

Nošenje GPS narukvice olakšava slobodu kretanja uz mogućnost brze intervencije u slučaju potrebe, čime se smanjuje rizik od nestanka i ozljeda, te pruža sigurnost i olakšanje roditeljima / starateljima koji se brinu o njima.

OBRAZLOŽENJE:

Član 1. – definiše predmet Pravilnika

Član 2. - definiše cilj Pravilnika

Član 3.- definiše uvjete za ostvarivanje prava po Pravilniku

Član 4.- propisuje dokumentaciju koju je potrebno priložiti

Član 5. – propisuje način ostvarivanja prava

Član 6. – definiše sredstava, način isplate i pravdanje sredstava

Član 7. – definiše stupanje na snagu Pravilnika

FINANSIJSKA SREDSTVA

Finansijska sredstva za ovu namjenu obezbjeđena su u Budžetu Općine Centar Sarajevo.